

四明叢書



張壽鏞輯

四明叢書

張宗祥



廣陵書社

19

圖書在版編目(CIP)數據

宋元學案補遺. 5 / (清)王梓材, (清)馮雲濠撰.
—影印本. —揚州:廣陵書社, 2006. 8

(四明叢書; 19 / 張壽鏞輯)

ISBN 7-80694-142-8

I. 宋... II. ①王...②馮... III. ①地方叢書-寧波市
②古籍-彙編-寧波市③學術思想-思想史-中國-兩
宋時代④學術思想-思想史-中國-元代 IV. ①
Z122.553②B244

中國版本圖書館 CIP 數據核字 (2006) 第 100348 號

第十九冊目錄

《宋元學案補遺》

一百卷

(卷六十五—卷八十)

清·王梓材馮雲濠輯

……

一一三三九

宋元學案補遺卷六十五

目錄

木鐘學案補遺

潛室先緒

補陳先生煜

朱葉門人

補陳先生壇

潛室學侶

陳先生增

宋元學案補遺目錄

四明叢書
約圖刊本

陳先生止善
合傳

潛室講友

趙先生善湘

晦翁門人

補葉先生味道

文修講友

張先生治

詳見滄洲諸儒學案

潛室門人

補翁先生敏之

宋元學案補遺

補董先生楫

蔣先生世珍

趙氏家學

趙先生汝楫

西山家學

葉先生任道

補葉先生采

西山門人

補繆先生圭

宋元學案補遺目錄

四明叢書
約圖刊本

補王先生夢松

厲先生文翁

胡先生升

胡氏先緒

補胡先生嚴起

車氏家學

補車先生若綰

補車先生惟賢

雙峯家學

車先生漳孫

雙峯門人

鄭先生口

賈氏門人

嚴先生侶

余氏門人

補胡先生長孺

石塘學侶

胡先生之綱

胡先生之純

合傳

石塘同調

吾先生衍

鄭氏門人

車先生璿

張先生德亨

嚴氏門人

黃先生廷玉

石塘門人

三四明叢書
約圖刊本

補陳先生剛

柳先生質

別附

曇暉

吾氏門人

劉先生天祐

朱學之餘

補史先生伯塔

史氏同調

鄭先生如圭

潛齋門人

補林先生溫

章氏門人

補趙先生次誠

史氏門人

徐先生宗實

徐先生森

蔣氏門人

宋元學案續編目錄

四明叢書
約圖刊本

王先生全

靜齋門人

胡先生觀

橫陽門人

補張先生文選

宋元學案補遺 目錄

五四明藏書
約圖刊本

四明叢書

四明叢書
約圖刊本

宋元學案補遺卷六十五

後學 鄞 王梓材
慈谿 馮雲濠 同輯

本鐘學案補遺

潛室先緒

補陳先生燬

梓材謹案嘉靖浙江通志稱先生工屬文善辯論
爲葉水心所推重

朱葉門人

補通直陳潛室先生墳

潛室經說

宋元學案補遺 卷六十五

一 四明叢書
約圖刊本

田里之里以方計卽井方一里是也道里之里以衰計
如二十五家爲一里之類是也

古者公卿大夫士之子弟以及萬民之子弟生八歲而
入小學教之以幼儀十五歲而入大學教之以成人之
事此大小學之所由建也其謂之國學者卽大小學之
立於國中以教公卿大夫士之子弟者也其謂之鄉學
者卽大小學之立於鄉遂以教萬民之子弟者也

一族之中大宗只是一人小宗儘多故一人之身從下
數至始祖大宗惟一數至高祖小宗則四此古者宗族

人情相親人倫不亂由大宗小宗之法而然以上禮記

王制惟大國三卿命於天子次國則二卿有命於天子
一卿有命於其君者小國二卿皆命於其君者蓋典命
止言命數未言人數如齊晉皆侯爵爲次國管仲不敢
當天子命卿之禮曰有天子之二守國高在晉使鞏朔
獻捷於周周人讓之曰不使命卿鎮撫王室而鞏伯賁
來未有職司於王室則齊晉皆有命之卿或以記所
稱爲夏殷之制非也 周禮

本鐘集

宋元學案補遺 卷六十五

二 四明叢書
約圖刊本

馬遷史記不專爲漢史乃歷代之史故其記漢事略於
漢書而紀武帝事獨詳若封禪平準二書雖謂之南史
家風可也

問太史公作史記上自唐虞而八書之作只言漢事班
孟堅作漢史合記漢一代事而乃作古今人表何耶曰
八書未必皆言漢事獨平準書書言武帝其贊却說古
今漢志雖爲一代作然皆自古物述起獨古今志專說
古而不說今自悖其名先輩嘗議之中間科等分別人
物又煞有可議此卻班史之贊畫蛇添足

應舉求合程度此乃道理當爾乃若不合程度而萌僥倖之心不守尺寸而起冒爲之念此則妄矣應舉何害義理但克去此妄念方是真實舉子

梓材謹案四庫全書著錄木鐘集十一卷提要云是編雖以集爲名而實則所作語錄凡論語一卷孟子一卷六經總論一卷周易一卷尚書一卷毛詩一卷周禮一卷禮記一卷春秋一卷近思錄問一卷史一卷其說大學中庸列禮記之中蓋其時四書章句集注雖成猶私家之書未懸於國學之功令故仍從古不史論惟及漢唐則伊洛之傳不以史學爲重偶然及之非專門也

附錄

黃東發讀晦庵文集曰答陳器之公之爲仁猶言去其

宋元學案補遺

卷六十五 三四明徵書

約圖刊本

壅塞則水自流通然便謂無壅塞者爲水則不可

梓材謹案朱子所答又一書蓋答其問玉山講義甚詳即木鐘集所載四端說也已見本學案

潛室學侶

陳先生增

陳先生止善

合傳

陳增潛室之兄而止善其弟也與潛室並登進士第時

人號所居爲桂森坊

姓譜

潛室講友

趙澂園先生善湘

趙善湘字清臣鄞縣人宋宗室慶元初進士累官資政殿大學士封天水郡公後爲沿海制置使兼知慶元府卒贈少師所著有周易說約春秋二傳通議等書及書詞共百餘卷

姓譜

雲溪謹案寧波府志載先生知鎮江府歷官至煥章周直學士以李全犯淮東還煥文閣學士江淮制置使及戮全進兵部尚書

梓材謹案宋史本傳先生爲懷安懿王五世孫所著有周易說約八卷周易易過問四卷周易續問八卷周易指要四卷學易補遺六卷洪範統論一卷中庸說約一卷大學解十篇論語大意十卷孟子解十四卷春秋三傳通義三十卷又案先生號漢園見經義考引張萱說

宋元學案補遺

卷六十五 四四明徵書

約圖刊本

洪範統一自序

洪範九疇聖人經世之大法太極渾然之先其道已具三才既判之後天界之聖人而實在彝倫攸敘之責行乎古今不可泯沒天地由之而萬化顯其用聖人由之而斯民獲其所非區區操天下者所能與也由五行至五紀安行乎皇極者也由三德至福極輔成乎皇極者也皇極居於五主張綱維是者也疇惟有九其統則一自漢世儒者爲災異之說乃以五行五事皇極庶徵福極五者合而求災異之應而於八政五紀三德稽疑四

者離不相屬其後為史又皆祖述漢儒獨歐陽唐史紀災異而不言事應眉山之學亦以福極於五福不相適悉歸於皇極之建不建嗚呼洪範九疇果可以意離合之乎

河出圖洛出書而八卦九疇以數示人八卦虛中之數也九疇建極之數也其道一也何以言八卦奠位而包皇極於內皇極居中而運八卦於外此八卦九章相為表裏也道不虛行待人而後行天不以道昇聖人則八卦可以無九疇天不能不以道昇聖人則八卦無九疇

宋元學案補遺 卷六十五

五 四明叢書 約圖刊本

何以顯其用故聖人建極而天地之化成矣託數以喻道天實闡其祕論道而遺其數後世儒者晦之也或曰易之八卦未嘗不自為用而何待乎洪範皇極之建曰八卦伏羲氏之卦也卦有八而伏羲氏畫之即洪範之建極也文王重而為六十四孔子繫之而十翼備皆是道也洛書未出則九疇之道默用於聖人之經世九疇既著則洪範之書遂為經世之大用易與洪範固無二本也

雲溪謹案四庫全書本永樂大典著錄洪範統一卷提要云書成於開禧時宋史謂之洪範統論

文淵閣書目又作統紀今據趙氏謂漢儒解傳祇以五事統徵為五行之驗而五行入政謂略散而不知所統徵引事應語多傳會因宋歐陽氏唐志蘇氏洪範論題意定皇極為九疇之統每疇之中如五行則貌言視聽言統於思得其統而九疇可一以贊之矣云云則永樂大典題曰洪範統一為名實相應矣又考朱子與陸氏論皇極之義往復辨難各持一說此書以大中釋皇極本諸注疏與陸氏合復謂九疇皆運於君心發為至治又合於朱子建極之旨蓋能通懷彼我兼取兩家之說者云

晦翁門人

文修葉西山先生味道

雲溪謹案經義考引戴氏說云一統志溫州有葉味道處州有葉賀孫皆朱子門人而事業微有不

宋元學案補遺 卷六十五

六 四明叢書 約圖刊本

同蓋本一人誤析而為二也聞書云其先括蒼人居建陽之後山梓材謹案先生號西山見其門人穆天一傳儒林宗派於朱門又別載葉賀孫號西山龍泉人賀新蓋即先生原名賀孫之為又自作賀孫者不可解也又案錢文子主東陽郭氏高塘庵講席後體陵因屬先生嫡主其教

附錄

既下第後從朱子於武夷山中

選宗學諭輪對言人主之稽學天下之福也必堅志氣以守所學謹幾微以驗所學正綱常以勵所學用忠言以充所學至口奏則述帝王傳心之要與四代作歌作

銘之旨從臣薦其可爲講官乃授太學博士兼崇政殿說書故事說書之職止於通鑑而不及經先生請先說論語詔從之

先生所陳無一言不開陳引導求切於君身旁引折旋惟致於治道

朱子語類曰賀孫請問語聲低得低先生不聞因云公仙鄉人何故聲氣都恁地說得箇起頭後面懶將去子夏曰聽其言也厲公只管恁地下梢不好見道理分明將漸入於幽暗含含糊胡不能到得正大光明之地

宋元學案補遺 卷六十五

七 四明叢書 約園刊本

說話須是一字是一字一句是一句便要見得是非

黃勉齋復先生書曰語錄事承見諭然亦有一說且如語錄中所載與四書不同者便徑削去則朱先生所集程先生語錄胡爲兩說不同而亦皆未取耶天下義理正未可如此看也雖朱先生不敢以自安而學者乃欲率然如此何耶朱先生一部論語直解到死自今觀之亦覺有未安處且如不亦君子乎一句乃是第一段幾番改過今觀程子云不見是而無悶乃所謂君子是不愠然後君子也朱先生云故惟成德者能之則是君子

然後不愠以悅樂兩句例之則須是加程子之說方爲穩當敏於事而慎於言朱先生云敏於事者勉其所不足慎於言者不敢盡其所有餘此用中庸有餘不敢盡之語然所謂慎者非以其有餘而慎之也慎字本無不敢盡之意事難行故當勉之易肆故當慎耳人而無信一章其何以行之哉何以之以便當用其何以觀例志道據德依仁不當作次第說若作次第說則游藝有所不通且有志道者未能據德據德者未能依仁之病道者亘古今塞天地人所共由志者存之而不忘德則行

宋元學案補遺 卷六十五

八 四明叢書 約園刊本

道而有得於身隨其所得守之而不失仁者心之全體德由此立道由此行故當依之而不違三者皆人所不可須臾離若藝則游之而已此一段乃近見一朋友語錄中所載又豈可以其與四書不合而削之乎義理無窮正可憂正可懼不可執一說而遂以爲安也

文修講友

直閣張主一先生洽

詳見滄洲諸儒學案

潛室門人

補 祇候翁先生敏之

附錄

所居故有鄉校入廢先生倡而新之扁曰圖南書院聚族里子弟敦學其中未幾與從弟嚴壽俱以禮經擢進士魁太學與鶚薦者十餘人

調婺州及平江塘頭安吉軍庫竣人乏食先生勸商平糴郡以無饑塘頭近言偃舊宅先生詣祠下推明學道愛民之旨士民風動

除閭門祇候將朝參喟然曰曉漏穿花安得似園林閒散之樂遂不復仕

補吏部董克齋先生楷

周易傳義附錄凡例

程子易傳依王弼次序而朱子則用古易次序以彖傳大小象文言各自為卷今不敢離析程傳又不能盡失朱夫子之意於是做節齋蔡氏例以彖傳大小象文言各下經文一字使不與正經紊亂而程傳及朱子本義又下一字程子朱子附錄又下一字則其序秩然矣

梓材謹案四庫書目著錄先生周易傳義附錄十四卷提要稱其學出於陳器之器之出於朱子故其說易惟以洛陽為宗又案王阮亭居易錄明永樂間胡廣等奉詔撰五經大全皆鈔錄前人成書

宋元學案卷六十五 九四明叢書 約圖刊本

竄易其召易則董楷輩鼎筆真卿詩則劉蘊書則陳應春秋則汪克寬字太宰獻續孤樹良談旨言之則先生之易固當時所推重云

教授蔣先生世珍

蔣世珍字君聘縉雲人嘗從陳潛室遊開慶元年進士官從仕郎歷鎮江建德溫州教授學者宗之 浙江通志

趙氏家學

趙先生汝棣

趙汝棣善湘子為宰相壻卑退自修精易象有易敘叢書可傳官至戶部侍郎晚歲以理財進用失士譽 清客

居士集

宋元學案卷六十五 九四明叢書 約圖刊本

易敘叢書自序

汝棣南毫學荒何敢言易獨念先君子自始至末於易凡六稔月進日益未察題曰補過汝棣得於口授者居多外除以來踰二十載因輯所聞於篇庶不忘先君子之教且以觀吾過云 周易輯聞序

程子論為學之言曰昔之害乘其迷暗今之害因其高明自謂之窮神知化實則不足以開物成務言為無不周徧實則外於倫理嗟嗟淺深非二水體用非二物精

粗無二理也易之爲書言近而指遠不知言何以知其指通乎近則遠固在是倘慕遠而失諸近吾知兩失之而已世或外辭畫以求易則此書爲贅否則不易吾言矣程子之論眞爲學之大閑歟

易雅序

聖人無惑眾人未能克臧聖人不欲以己意解人之惑天生神物以前民用聖人託之雖曰神道設教非無是理而矯誣斯世也

有著道道生於庖犧有著用著於堯帝而詳於箕疇筮有職大宗伯率之撰有法大傳明之占有驗左氏傳

國語可考也

宋元學案補遺 卷六十五

十二國朝叢書 約圖刊本

論圖書

易有衍數有積數自五衍而爲五十者衍數也自一二三四五積而爲五十五者積數也圖書一數皆積數之儔不可以與於撰著也故合圖書之名而論二數則自有妙理強二數以圖書之名則於經無據

梓材謹案四庫書目著錄周易輯六卷易推一卷筮宗一卷提要稱其於此應秉承之理盈虛消長之機皆有所發揮又謂其推明大衍之數頗爲明白又存目易序叢書十卷提要謂明人所雜編云

西山家學

宋元學案補遺

葉先生任道

儒林宗派

葉任道味道弟文公弟子

附錄

朱子語類曰謂任道弟讀大學云須逐段讀教透默自記得使心口相應古時無多書人只是專心暗誦且以竹簡寫之尋常人如何辦得竹簡如此多所以皆暗誦而後已伏生亦只是口授尚書二十餘篇貫竊就獄夏侯勝授尚書於獄中又豈得本子只被他讀得透徹後來著述諸公皆以名聞漢之經學所以有用

宋元學案補遺 卷六十五

十二國朝叢書 約圖刊本

又曰任道弟問或問涵養又在致知之先曰涵養是合下在先古人從小以敬涵養父兄漸漸教之讀書識義理今若說待涵養了方去理會致知也無期限須是兩下用功也著涵養也著致知伊川多說敬敬則此心不放事事皆從此做去

補 祕監葉平庵先生采

梓材謹案四庫提要於近思錄云其集解則朱子歿後葉宋所補作淳熙十二年朱官朝奉郎監登聞鼓院葉景駿府教授時嘗攜進於朝前有進表及自序其序謂悉本朱子舊注參以升堂記聞及諸儒辨論有缺畧者乃出臆說又舉其大旨著於各卷之下凡閱三十年而後成云

葉仲圭語

出入無時莫知其鄉常人之心也寂然不動感而遂通聖人之心也聖人之心豈常人之所無哉昏與明異而已矣

附錄

嘗居武夷書堂遊玩賦詩北溪屢砑之遂循序就實構漁隱精舍問學日進

其書事詩曰雙雙瓦雀行書案點點楊花入硯池閒坐小窗讀周易不知春去幾多時

宋元學案補遺 卷六十五

十三 四明叢書 約圖刊本

知邵武軍作郡乘築祠郡泮以祀朱子復置田若干頃祀朱子於光澤累官翰林侍講乞歸所著近思錄集解嘗以進呈理宗稱善

西山門人

補 隱君繆天隱先生主一

雲濠謹案浙江通志云一字天德通易書詩三經大德間郡守康希憲延爲經師若又有易經精蘊經義考云佚又案天德恐是天隱之謬

附錄

先生雖瞽而諳練典故記憶不衰與人言聲響不倦人

有問者必答曰在某書某帙檢視果然
補 隱君王慎齋先生夢松

附錄

嘗曰學以躬行爲本徒知無益指孟子四端卽舜禹道心之微每於此心萌動處下功夫主敬以存養之師事葉味道造就學者皆有感驗

資政厲先生文翁

厲文翁字聖錫東陽人少保模子初名髯翁理宗改從今名登寶祐癸丑進士歷官至太尉卿權戶部侍郎遷

宋元學案補遺 卷六十五

十四 四明叢書 約圖刊本

資政殿大學士階朝請大夫封東陽開國侯少從葉味道學嘗服膺邵堯夫面前地要放寬之語既登第練習經濟理宗嘗稱其人物甚偉洞曉邊事由淮右節揮除浙西三十年屈獄莫不讞決先生少壯登朝晚膺茅土中閒或握郡符或踐戎壘正身盡職不爲異同故能所在建功克保令名

金華徵獻畧

國史胡定庵先生升

胡升號定庵婺源人爲史館編校尤端明素所厚客也寶祐丙辰丁大全據言路將得志用事遂重丞相槐曉

天府將卒數百人持杖鼓譟與過大理寺以恐嚇之然
後擲置北關外端明提綱史事對客竊嘆端上疏列其
事丐去大全怒逐端明或告先生為尤稱疏者天府陰
奉旨逮之薄責籍籍閣視之無有猶坐他詔謫九江
徙臨汝又徙南安先生生於晦庵之里晦庵高弟葉味
道乃其師先生被逮時衣器書硯蕩盡平生著述片紙
無遺書為四書增釋訪求朋舊間得有中庸大學論語
而孟子終不可復云

方桐江集

胡氏先緒

宋元學案補遺 卷六十五

十四 四明叢書 約圖刊本

補 胡先生巖起

胡巖起字伯巖汲仲之祖也卓行危論奇文瑰句端平
嘉定士大夫皆以為不可及在江西幕府平贛州之難
於捐贖之頃全活數十萬人子居仁至汲仲而其學益
大宋文集

車氏家學

補 迪功車鑾筆先生著續

梓材謹案四庫全書著錄先生內外服制通釋七
卷提要云是書一仿文公家禮而補其所未備有
闕有說有名義有提要凡正服義服加服降服皆
推闡明義具有條理卒然序諸家禮著所當然此

附錄

釋其所以然蓋不誣也又案先生所著又有深衣
疑義

先生年十六與其父景山皆以名上春官不中慨然曰
吾家數世湮鬱不遇我豈能終與造物競哉然聞皇帝
王伯之略道德性命之奧由學以致顧吾力有未至耳
乃與從父兄若水清臣合志而其講焉

先生之季父詔溪授受最有原本清臣既委已就學得
其宗旨而先生又繼起從之凡天人之精蘊義理之淵
微毫研縷究部發發露知之而必可言言之而必可行

宋元學案補遺 卷六十五

十六 四明叢書 約圖刊本

景定中曾稽王華甫守台於城之東湖建上蔡書院首
聘先生兄弟處以賓職

補 車先生惟賢

附錄

先生跋雙峯內外服制通釋曰是書之出可與文公喪
禮相表裏而並行也或曰朱子一代道學之宗其肩可
比乎曰不然朱子於是書猶君子之射也我伯父鑾筆
於是書乃養由基之射也學專而精詳而明有補家禮
之未備有發前賢之未發非謂學問相高也為之圖使

人易見爲之釋使人易知易見易知親疏隆殺之等人可得而盡矣必師友講說云乎有補於治道明矣

雙峯家學

車先生漳孫

車漳孫雙峯先生子與雙峯同學而成者

柳待制集

雙峯門人

鄭栖筠先生口

鄭栖筠先生車瑤之師也先生卒瑤往弔見內外服制通釋一書先生蓋雙峯之愛友曾傳之云

內外服制通

釋跋

宋元學案補遺卷六十五

十七四明叢書約園刊本

賈氏門人

補高節嚴先生侶

附錄

居家教授生徒有裘糧自甌來者

楊鐵崖誌其墓曰某官至鈞臺必訪先生勸之仕則曰漢靈臺諸將仕非不赫赫今子姓無聞吾舅祖去今一千三百有餘年而高風遠韻與富山桐水相爲峙流土奚必以仕爲貴哉侶不敏願爲嚴子陵賢子孫足矣

余氏門人

補純節胡石塘先生長孫

梓材謹案宋文憲爲先生傳贊言先生既于余學古獲問伊洛正學及行四方益訪求其旨始信陸賈用微爲最切默存靜觀超然自得晚年深察陸象山爲人字節節吾心之言諄諄爲學者誦之梓材又案先生及門最盛元史本傳云方嶽大巨與郡二千石聘致庠序敷繹經史環聽者數百人

附錄

轉寧海縣主簿大德丁未浙東大祲戊申復無麥民相枕死宣慰同知脫歡察議行振荒之令斂富人錢一百五十萬給之至縣以餘錢二十五萬屬先生藏去乃行

宋元學案補遺卷六十五

十六四明叢書約園刊本

旁州先生察其有乾沒意悉散於民間月再至索其錢先生抱成案進曰錢在是矣脫歡察怒曰汝膽如山耶何所受命而敢無忌如此先生曰民一日不食富有死者誠不及以聞然官書具在可徵也脫歡察雖怒不敢問

晚年慕陸象山之爲人每取其宇宙卽吾心之言諄諄以告學者至元中與金仁山並以學術爲郡人倡學者尊而仰之

先生爲人光明宏偉務爲明本心之學慨然以孟子自

許惟恐斯道之失其傳誘引不倦一時學者有如飢渴之於食飲

先生爲學者言人雖最靈與物同產初無二本皆躍然興起至有太息者

楊仲宏贈胡汲古曰先生唯達道入矣樂山林致聘口雙螯爲生過千金身閒雲出岫髮短雪盈簪遁世猶吾志同盟欲自今又曰野客何蕭散長年暫出遊風塵唯短褐江海自扁舟有迹能來往無心任去留才名今籍甚屈指到枚鄒

宋元學案補遺 卷六十五

十九四明叢書 約圖刊本

黃文獻祭先生文曰嗚呼先生古之豪英清風峻標孰可狀名弗崇爲高顧以文名其文斯何出史入經汲書魯簡武戒湯銘下逮百氏名墨縱橫旁行駁落律令章程包羅揆序弗猥弗并維蓄之厚故施之宏紛其百嘉幽達滿盈藏英斂華根柢一貞以歸於極以集於成金春玉撞發其和平遠彼瓊籟勿使震驚獨抱厥器旅於天庭胡不廟郊薦之醴諼乃弦乃歌乃佐武城人趨易良俗失悍獯稚羣熙熙怙爲父兄於穆昌辰文事事新乃謝靈輓乃專鑑衡賤華貴實樹之風聲警欽所及驅

廳走靈學徒嚮方俊良用登覽此陋微亦累品評贊邑海瑞遺則是徵擇士藝闡緒言是承庶終惠我勉夫競曷使中路奪其依憑

石塘學侶

胡先生之綱

進士胡先生之純 合傳

胡之綱字仍仲之純字穆仲皆汲仲從兄仍仲嘗作薦書其於聲音字畫之說自言獨造其妙惜其書不傳穆仲咸淳甲戌進士踐履如古獨行耆文尤明潔 宋文憲

集

宋元學案補遺 卷六十五

三十四四明叢書 約圖刊本

石塘同調

貞白吾竹房先生衍

吾衍字子行仁和人操行高潔不求榮進隱居教授居於樓坐學童樓下遣高弟子選授之客至童子輒止其登使登乃登與客笑談樓上而樓下羣童肅如也元時廉訪使徐琰聞其名訪之先生從樓上呼曰此樓何敢當貴人登也願明日走謁謝琰笑而去明日竟不謝人咸重之稱爲貞白先生 姓譜